

小  
草  
齋  
集

小草齋集卷之二十七

陳留謝肇淛著

友人馬欵校

七言絕句一

宮人斜

落花啼鳥怨青春  
生不銜恩死作塵  
長信月明秋寂寂  
君王只夢李夫人

閨思

羅衣汨盡黛痕低  
芳草年年杜宇啼  
枕上夢魂

天畔月隨風一夜到安西

江南詞

阿嬌住近浣紗溪  
畫槳連檣隔水西  
郎唱江南可憐曲  
柳花飛盡鷓鴣啼

舟夜

沙白天青斗自橫  
霜花月色共淒清  
槳聲唧唧驚人夢  
欲待還家又不成

上元彭城

故國燈華燦錦雲  
燕山沙雪正紛紛  
可憐今夜

閩江月不照彭城斷鴈群

濟上

鳳城一望路漫漫馬上征袍泪未乾  
曠野荒城人斷絕更誰傳語報平安

交河風

細柳如絲踏作塵乾坤近塞本無春  
交河日暗黃雲起風急沙飛不見人

題臨城旅邸

沙場風急髮飛蓬日夜歸心海上鴻  
六月烏山

茅舍裡葡萄初綠荔枝紅

彭城遲徐惟和不至

淮水花飛送暮春鴈行中斷  
淚沾巾天涯莫嘆無知己  
與爾同爲失路人

漢宮春詞四首

長門盡日鎖鉛華拾得金丸彈  
曉鴉猶記去年初望幸  
君王先賜碧桃花

夢回日影射銀鈎柳色鶯聲  
十二樓閒向昭陽尋  
女伴宮中報道未梳頭

平明別殿打毬回團扇春寒泣不開強傍粧臺  
理紅粉內頭催進畫圖來  
博山爐裡有殘香巧對春風襯曉粧一曲笙歌  
樓下過共傳車駕幸平陽

南劍舟中

西下三千八百灘灘聲日夜拍船寒西風吹浪  
天爲裂愁殺長年不敢看

小箬溪

小箬溪邊秋水生野航如葉暮雲平傷心望盡

江南路月滿蘆花鴈一聲

病二首

山窗疎雨不堪聽流水柴門盡日扃  
羸得新詩三百首池塘四月草青青

昏然一夢便爲家睡起山齋日又斜  
黃鳥幾回窺紙帳小園閒殺石榴花

田家詞二首

空村破屋夜啼烏赤地干今草已無  
老婦倚門餓欲死賣兒且納縣官租

新穀無收斗十千家家土鏹冷生煙忽聞關東  
傳呼急官府新追間架錢

七里灘

七里灘頭雲不開富春山下半蒼苔漢家事業  
成秋草江月年年上釣臺

行樂詞二首

羅衣香帶錦纏頭細折楊枝作酒籌月滿春城  
天似水箜篌一曲按梁州

長安春雪未曾乾錦瑟銀箏帶酒彈十二重樓



寒不到桃花流水碧漫漫

涿州感舊

孤城猶枕舊山河流水桃花別恨多一路新楊  
今老大不知客鬢近如何

村中

村中老人不識客柳下科頭枕寒石日暮收雞  
掩葦門一籬秋露豆花白

吳興竹枝詞十首

苕溪縈轉雪溪清郎住溪頭妾在城幾度白蘋

洲上望風波日日斷人行

柳葉長時桑葉繁子規啼罷日黃昏西吳蠶不  
今初起萬室千村盡閉門

清明鬪草踏青苔賽得金釵逐隊回一道紅裙  
齊上馬道場山上進香來

春風女兒顏色新共趁蠶忙陌上塵繭就絲抽  
爭買却不知衣着是何人

妾家湖北守蠶眠郎往湖南去販鮮一陣腥風  
船到處家家爭買小頭鰻

雨後新收顧渚茶旗槍未展紫團芽織來兩角  
留郎飲半月泉頭汲水花

何山五月熟楊梅萬樹千林錦作堆摘下水盤  
三百顆行人錯道荔枝來

笠澤銀魚五寸鮮南潯牡蟹一尺圓沽得閭門  
三白酒與郎同上遊山船

雪消臘盡北風寒官府迎春簇馬鞍對對梨園  
扶暖簷樓頭不敢捲簾看

駱駝橋上落霞紅畫舫青簾信晚風玉笛吹殘

霜月白忽驚身在水晶宮

西湖棹歌四首

水落湖心松作濤水邊樓並兩峰高遙憐如雪  
當樓女泪滿西風剪戍袍

蘇公堤上柳藏烏靈隱山前片月孤怪得薄情  
不相見年來官府禁遊湖

勸儂莫采並頭蓮勸郎莫泛夜行船蓮花留取  
成蓮子夜船驚破鴛鴦眠

蓮花如面水如煙郎愛西湖妾愛蓮郎心好似

湖心水花落花開知幾年

遊武夷雲窩懷陳孔震司馬

蘿衣石榻自苔文  
禮罷寒星不見君  
老鶴應門黃葉墜  
半爐松火亂山雲

癸巳初度日病

文園卧裏忽逢秋  
馬齒風塵去未休  
二十七年初度日  
悠悠病客一孤舟

宿吳山寄長安舊人

春時相送出燕都  
秋到江南一字無  
半夜寒燈

數行泪滿天風雨下西湖

橋李迎春二首

吳山越水色霏微日日紅塵上客衣愁裏不知  
年又盡滿城歌舞報春歸  
寒爐無燄夜愁長客裡逢春鬢已霜不用傷心  
更回首茗溪春好亦他鄉

雨夜懷陳振狂客嶺南

君去春山草未齊嶺猿林鳥莫雲西相思一夜  
不成夢雨滴芭蕉雞亂啼

樵李元夕雪

天涯孤客怯春寒故國雲山夢裡看  
何處燈華  
何處月北風吹雪滿征鞍

薛校書像

絳唇朱袖髻如煙管領春光二十年  
萬里樓臺  
荒草地人間猶有薛濤箋

中秋登郡城樓

鄉心如水向東流愁上城南百尺樓  
故國雲山  
何處是天邊明月又中秋

觀天聖寺管夫人畫竹

誰將彤管貌琅玕  
雲影蕭蕭半壁寒  
月滿孤城僧定後  
秋聲遙起錯龍盤

寒食山中

白雲流水淨含沙  
傍水斜陽三兩家  
一夜山中寒食雨  
杜鵑啼落刺桐花

夜同鄭翰卿黃白仲步至孤山尋梅

望湖亭上大堤斜  
夜到孤山處士家  
殘雪滿林霜月暗  
不知何處是梅花



吳興後竹枝詞四首

漕糧改折白糧催春雪初寒麥未栽聞道義倉  
三十處無錢保正不教開

夏稅年年織較遲柘黃帕裹合羅絲近聞內府  
頒新式解戶爭安第一機

五月新絲白勝綿輕羅織就雪花鮮爲郎製得  
雙襠子官府頭行不敢穿

臘盡春生年復年望郎長在太湖邊水門不閉  
聞簫鼓迴避黃堂採木船

錢唐逢康元龍

黃梅細雨暗江關  
我入西吳君欲還  
馬上相逢湏盡醉  
明朝知隔幾重山

錢唐訪陳伯孺不遇

旅館輕塵鎖綠筠  
知君遙在五湖濱  
錢唐江水蒹葭城  
月兩地相思不見人

登慈雲嶺

千重煙樹翠模糊  
萬壑松濤落日孤  
回首潮聲聽不盡  
亂山影裡見西湖

西湖雜詩十首

柳花如雪暮煙多  
荷葉初圓滿綠波  
十五女兒能盪槳  
月明低唱采蓮歌

楓木橋西正夕陽  
紫霞飛滿翠微房  
霓旌白道搖空碧  
併作三天舍利光

懸崖石榻繡苔花  
雲去雲來一徑斜  
日午山僧初入定  
滿天空翠濕袈裟

萬樹桃花照夕曛  
晚霞遙射碧氤氳  
東風吹散飛如雨  
盡入西湖作錦雲

仙姑山畔小春橋雲影松陰九里遙萬壑悲風  
吹日夜行人錯道浙江潮

斷橋流水暗香聞月色梅花亂不分誰向夜深  
吹玉笛宿鴉驚散雪紛紛

白雲峰頂曉鐘殘天半剛風徹夜寒吹散紅波  
三萬丈海門湧出紫金丸

寒松曲澗白雲長雪竇泉飛五月涼施得山僧  
新茗在瓦鎗松火試旗槍

錦塘十里柳花秋半逐東風撲釣舟馬上紅裙

踏歌過低枝挂墮玉搔頭  
桃花水照石榴裙宛轉歌聲隔水聞日落江空  
不知處兩高峰頂作行雲

題月輪山

危塔殘碑鎖寂寥不聞桂子落清霄月輪山下  
天連海一日僧看兩度潮

登五雲山五首

縣崖鳥道客心驚翠壁參天水撼城日落西陵  
潮似雪亂山無數不知名

暗風吹雪度層峰  
禪榻虛窓倚碧空  
夜半天雞醒  
客夢海門深處浪花紅

萬壑群山水上浮  
滄江東接海門秋  
天教鼇背開金鏡  
幻出錢唐十四州

六橋煙柳遠濛濛  
忽聽南屏寺裡鍾  
一對浮圖雲底出  
山僧指是兩高峰

月出潮平夜罷鍾  
琉璃倒映玉芙蓉  
却疑身在蓬萊上  
弱水茫茫幾萬重

春日攜李舟中寄贈圓憲二首

弱柳新鶯動隔年春山殘雪對書眠老僧有句  
來相報煙雨樓西一釣船  
出世無心萬事慵門臨流水最高松相思何處  
不相見明月空江半夜鍾

中秋雨寄桃葉侍兒二首

雲鎖霓裳桂殿空金樽秬對遠山鐘珠簾不捲  
銀屏暗人在瓊樓第幾重

愁雲疎雨暗金波天上人間夜若何玉笛吹殘  
無限恨盈盈一水卽銀河

聞鐘寄曾人倩

十年去國夢滄浪  
夜夜鐘聲似上陽  
謾憶長安驅馬伴  
東華門外月如霜

惟和下第歸過真州夜話

一騎西風出北平  
相逢如夢未分明  
十年心事匆匆話  
月落雞啼夜五更

答惟和觀伎之作

白頭下第望江南  
逐客無家寄楚潭  
一曲琵琶雙別泪  
西風吹濕雨青衫



步真州橋上望江南山不見

盈盈一水望微茫幾點孤峰似故鄉  
莫恨雲深看不見見時恐更斷人腸

貂裘敝盡寄吳關七度春風猶未還  
望斷江南山已遠客家更隔萬重山

山行卽事

羸馬空山日欲斜柴門流水少人家  
丹楓落盡蘼蕪死一路風吹野菊花

六憶詩寄桃葉侍兒

有引

戊戌秋杪余客新安于時寒露旣零商飈漸  
凜隕梧覆地哀鴈流天感蘭燄之中煎惜菱  
花之獨照佳人千里遙隔鑒江多病孤身尚  
羈微水願違情極神合象分因效隱侯之旨  
廣爲贈答聊代遠離之摠以托紆軫之懷云  
爾

憶眠

花外鶯啼曉夢殘雲嬌雨因不勝寒鮫綃帳裏  
香肌韞紫霧輕籠白牡丹

憶行

脉脉瑤堦度晚涼  
羅裙委地繡巾長  
輕塵不印雙鉤樣  
惟有蓮花萬朵香

憶粧

露華香粉紫檀罌  
倒暈輕黃畫未成一簇金釵  
牙掠髻寒星隊裡月初生

憶繡

月上流黃玉指拋銀條  
紗襯紫茸包繡成羞被  
傍人見一對鴛鴦頸正交

憶書

吳興毫紫欵煙青端石新裁柳葉形  
索得勾麗箋一幅觀音壇畔寫心經

憶奕

石榴花影滿楸盤落子嬌嗔未肯安  
不分人前輸一着桃燈偷學玉闌干

答

寶釵初卸解羅衣清漏沈沈郎未歸  
夢裡莫教人喚醒恐爲蝴蝶正雙飛

八  
草  
一  
卷  
五  
七  
強束行纏出院門生嗔羅襪印苔痕遲迴却映  
珠簾立欲問郎歸不敢言

不抹鴟黃不傳脂盤龍斜倚鏤金犀鏡中愛殺  
如花面只少蕭郎與畫眉

袖口新綳線道斜一雙燕子竝頭花幾迴繡到  
關心處點點啼痕流碧紗

八  
行  
側理界烏闌欲寫回文字更難絳袖密遮  
書復顧恐教背後柳娘看

牙線秋杵子慢敲從郎去後不曾教閑隨女伴

花陰下賭得金絲玉步搖

拜顧鎮遠侯墓

石麟銅桂枕江濱記得當年霍冠軍  
日落寒鴉千萬陣一時繞樹拜孤墳

洪中懷汪伯玉司馬

空山鑿破水他流半壁猶存架壑舟  
昔日精靈成異代隔溪亭榭亂雲秋

黃山雜詩二首

寒流決決草蒙茸翠壁丹梯千萬重  
天外雲門

相對出居人指是剪刀峰

古寺空山鳥道邊板橋流水寺門前老僧鎖却  
竹房去浴罷溫泉石上眠

黃山歸宿潘景升有芭堂二首

十日看山一日歸輕塵落葉擁柴扉布袍脫向  
堦前樹猶有蓮花片片飛

豐水溪邊對晚嵐却疑身在白龍潭開門童子  
向人笑拜乞丹砂共藥籃

宿齊雲道觀二首

中天列岫翠饌餽咫尺丹霄卽帝都夜半山窓  
煙雨裡香鑪峰頂一燈孤

洗藥池邊丹杵聲紅塵隔斷旅魂驚夢中不識  
朝元路只在棲霞洞裡行

海陽旅次戲寄潘景升

山窓寒雨滴芭蕉一榻殘燈夜寂寥惟有青樓  
歌舞地春光不駐可憐宵

涇陽舟中

作客經年敝鷁鷁扁舟此日下涇陽滿天風雪



寒江夜惟有灘聲似故鄉

齊謳十首

有引

竹枝子夜諸歌大率盛於江南齊州聲韻屈  
詰不諧律呂然采諺問俗弗以地廢矧茲泱  
泱大國之風是用暇日撫撥一二約其節奏  
命曰齊謳卽不敢被之管絃試令社兒里女  
擊土鼓連臂歌之亦國風之遺也凡十章  
榆錢滿地筭窠泥郎在燕山易水西傳得江南  
采蓮曲中原今有鷓鴣啼

二月冰開柳放煙望郎長在閘河邊生憎分水  
祠前水送盡南船又北船

上元三五月如水踏遍香衢看彩燈聞說城中  
樓第一紅裙千隊一時登

女伴相邀春進香天門遙拜佩鏘鏘歸從蒿里  
山前過指點陰司說鬼王

魯連臺下草如煙隄柳飛花撲客船最是齊州  
好風日繡簾影裡送鞦韆

黍頭低熟稷頭昂小麥如霜大麥黃支鏃聲聲

啼不住一番風雨又端陽

炎蒸三伏起紅埃九曲黃河淺似杯  
窖裡寒冰三萬斛鮮船未到不教開

黃河南下勢如雷十萬官夫塞復開  
一夜太行隄口決只今白骨滿魚臺

運河雨斷客船無兩監巡欄到處呼  
前後水門齊上鎖柵黃旗下納皇租

清源婦女競穠華九陌香風漾碧霞  
聞向渡頭相問訊天都峰下是夫家

七夕宮詞

玉殿新涼動綺羅銀屏秋冷夜雲多  
遲迴欲捲珠簾望愁見天孫又渡河

經薛故城

柳堤風起欲斜曛寂莫山丘枕暮雲  
千載蒯緱塵土客只今誰是孟嘗君

景州道中風沙

愁雲曉合路漫漫萬壑風雷卷地寒  
一片黃沙三百里不知何處是長安

過白溝

胡馬嘶風野日黃  
居人猶解說燕王  
白溝河畔青青草  
曾是當年舊戰場

塞下曲

朔風膠折草初燒  
鐵馬連營夜搗巢  
十萬胡兒頭落地  
雪花和血濕弓稍

七夕宿龍山驛

女伴閨中乞巧時  
荒郊獨客倍淒其  
河邊烏鵲無情甚  
不爲人間管別離

佛頭山閣

秋槐葉落半山亭  
山寺松門晝自扃  
高閣斜臨華不注  
寒雲飛盡佛頭青

桐城道中

八月胡風捲地沙  
平原盡日少人家  
令人却憶江南路  
處處香飄桂子花

郇城元夕

煙籠寒月角聲哀  
天半黃塵慘不開  
回首江南春正好  
三山一片錦雲堆

無題二首

雨過苔痕上碧墀  
蜻蜓相逐出花枝  
美人斜映珠簾立  
手擲絲毬聞玉狸

遶欄無數鳳仙花  
綠葉齊開五色霞  
香露和成輕傳指  
纖纖玉筍沁朱砂

平播凱歌八首

熨道西連古夜郎  
相傳割據自隋唐  
橫戈躍馬千餘載  
帶礪今成血戰場

羽檄朝飛玉壘秋  
鼓聲欲死陣雲收  
可憐如帶

慕江水一夜腥風作血流

鼓角喧天鬼魅愁王師十道下梁州旗遮劒閣  
千重棧鞭斷巴江萬里流

桓桓忠勇數劉琨一劒東歸帶血痕轉戰重圍  
三百里諸酋面縛出轅門

白旄黃鉞遠橫行醉倚金鞍露布成文武只今  
誰第一畫圖先屬李西平

渠帥投纆事可哀妻孥泥首乞釘灰藁街傳遍  
名王首壯士銀纓衣錦回



烏啼京觀成樓閒銅柱新標戰馬還鎖甲金鏡  
歌管沸三軍齊出鬼門關

彤庭曉闢獻降俘緹騎霜刀隊隊扶黃紙金鷄  
傳放赦太平天子坐披圖

懷葉進卿宗伯鄧汝高學憲

長安路上柳初低擊筑相逢醉不迷此日風煙  
各異域江南江北夜郎西

感舊

香箋錦字尚依然夢斷羅山路幾千十二年前

今日事悲歡風雨一燈前

辛丑初度病暍新起且有青州之行別諸

姬

病顏衰髻不勝秋更對花枝賦遠遊  
老大風光三十五猶隨人後向青州

宿淄水中夜聞鷄

聞山魏水各天涯馬上年光夢裏家  
半夜寒雞滿窓月一時心事亂如麻

久客臨淄

出門蓮子尚開花雪滿千山未到家夢裡只尋  
西去路却忘宦邸亦天涯

閨意二首

花影當簾睡未酣相邀女伴采宜男繡巾爭拂  
雙飛蝶賭取螭頭白玉簪

綉幕金釵逐隊行宜春開盡紫薇生新教鸚鵡  
能言語花下傳呼小玉名

寄顧所建

廣陵煙水路三千芳草垂楊憶往年畫舸載花

明月夜東風二十四橋邊

客中夢桃葉侍兒

金爐香燼玉人眠帳掩芙蓉夜可憐惟有夢魂  
常不離蜀葵花下瑣窓前

登岱寄邢子愿

鳥道斜盤倚碧空一天秋色海雲東依稀望見  
吳門馬可是當年使者驄

聞潘景升客楚

別來蹤跡兩茫茫楚水燕山各異鄉記得天都

草堂集卷二十一  
峰畔路板橋紅樹鳥啼霜

壬寅十一月三日

碧玉當年未破瓜  
香羅帳護合歡花  
如今十載  
花如錦  
羞見來時繫臂紗

暮春新甫道中

澗水涓涓蒲作芽  
山雲漠漠客離家  
東風一夜  
清明雨  
杳杏棠梨處處花

癸卯夏日

麥穗如絲雨未霑  
迎龍賽社拜還占  
曹南十萬

開河卒只恐春流一夜添

宿堽山望靈巖作

暖風吹雨浥征衫  
古洞雲深鎖石函  
日暮亂峰青繞榻  
不知何處是靈巖

鐵袈裟

大地何年湧鐵衣  
苔花半蝕是還非  
金身弱草元無相  
祇與山僧表翠微

春夜聞鴈

芳草如絲煙樹微  
客魂無日不南歸  
無情最是

天邊鴈何事春來更北飛

暮春曹南道中

柳花如雪菜花黃  
客裏春殘暗自傷  
何處朱門鎖臺榭  
東風一路牡丹香

夏日

暖風吹雨過江城  
竹榻桃笙暑自清  
官閣晝閑人吏散  
滿簾花氣一林鶯

乙巳迎春

九陌香塵動地來  
故園梅蕊幾枝開  
一從人去

東山冷客裡逢春十五圓

早春宮詞

百子燈前酌九霞  
昭陽先賜早春瓜  
長門殿裏  
桃牙樹只見東風未見花

雨中登樓

春色輕寒上碧衫  
綠楊如線燕呢喃  
郡城三月  
梨花雨獨倚高樓看客帆

無題

海棠無主獨開遲  
蓓蕾春情蝶未窺  
何事東風



相妬急一時吹折向南枝

汶上道中入夜風雨驟至投宿民舍口占  
風雨淒淒路欲迷倦飛寧復擇高栖任教土榻  
人爭席野鶴年來久泥

春盡郊行

宜春落盡筍初芽乳燕交飛日欲斜唯有東風  
似相惜隔河吹送白楊花

題卧雪圖

竹逕松門絕四隣千村萬落不勝貧洛陽城裏

家家雪誰念山中有故人

朱竹

秋老龍孫醉不醒却疑  
淚血灑湘靈只緣悞染  
紅塵色無復琅玕舊日青

題畫荔枝

一騎紅塵向闕時絳脣  
朱袖兩相宜如今世路  
輕寒暖不畫梅花畫荔枝

小道齊集

卷二十七

三

小草齋集卷之二十八

陳留謝肇淛著

友人王 宇校

七言絕句二

宮詞四十二首

禁漏亭亭月色迴  
六宮金鎖未曾開  
平明鳳吹中天落  
昨夜君王宿北臺

上苑風光處處迷  
嬌鶯千樹一時啼  
傷心春草生閒地  
遼后粧臺海子西

侍書小史髻雙鴉漏盡猶傳降白麻斜傍御床  
輕署字柘黃帕褰出文華

御溝一道接西山玉膩雲香去不還秋至莫教  
紅葉墜免傳春色到人間

宛轉橋通百子池鴛鴦飛上合歡枝黃金屋暖  
花長在春去春來總不知

雞人唱卯日華浮導駕韶容步步留雉尾雙開  
簾半捲御爐煙在鳳樓頭

轆轤秋冷井梧黃金鎖歲縫閉苑牆夜半月明

風瑟瑟流螢含露落銀床

上元夜宴鳳燈懸內使鋪陳色色鮮何處天香  
春第一牡丹花發御筵前

采女三千教水嬉荷花零亂錦帆移年來玉輦  
經行少落盡紅衣子滿池

南城古木閑行宮鐵鎖生衣蕙帳空秋草沒階  
蛩對泣內人指點說 英宗

太乙祠前壁月泉松枝未老鶴猶眠鼎湖龍去  
齋壇冷雲鎖西清四十年

風撲珠簾月似明雪花片片玉階平宮中一色  
鴛鴦瓦偏向昭陽凍不成

呆愚風動葦羅寒鴈度長門夜色闌碧艸似煙  
煙似月美人猶自倚闌干

年少承恩舞樣新夜深香汗濕羅巾秋風桂殿  
涼如水也有愁多未睡人

小憐十五翠鬟偏盡日花階坐簸錢輸却一雙  
金弔挂含嗔斜背御屏前

長秋朔望免朝便日透鮫綃帶醉眠魚鑰忽傳

宮使到教坊分送面脂錢  
鸞靴對打御前毬中使看爭第一籌  
高捧牙盤傳拜賜銀錢金豆撒階頭

長生綵縷結蘭牙  
蘭草歸來酌紫霞  
自分玉顏天上老  
不湏更賜守宮砂

六月香風動白蓮  
宮槐十里咽寒蟬  
冰山激水飛如雪  
不信凡間有暑天

內厨慣製鬱金芽  
琥珀倭絲旋作花  
縷合豆黃封朱結  
頂朝回先賜閣臣家



生長深宮未識愁閒看織女嫁牽牛不知更有  
人間事笑上穿針乞巧樓

金吾排仗簇層層曉到西山露尚凝千騎紅妝  
分隊發感恩殿上拜昭陵

地衣織就暗龍紋沈水香多盡日薰舞罷柘枝  
塵不動倩人擡起砑羅裙

榴花六幅掃金階學舞梁州曲未諧第一迴身  
湏貼地莫教人見鳳頭鞋

平明侍駕晚鐘歸下直翻愁見御稀昨夜衆中

偏得喚謝恩除却蓋頭衣

金榜銀屏直北開綉墩御案錦成堆宮人扶出  
天顏笑慈聖宮中賜宴回

博山爐爇玉龍膏帳捲銀鉤綉額高閒隔紗窓  
看花影畫眉雨裏咏櫻桃

纔過中秋聖誕臨宮中結束各留心閣門引  
見山呼罷私獻延年紫磨金

新裁吳扇勝齊紈照眼泥金玉骨寒勅出中書  
書小楷蠅頭正韻御前看

生如鸚鵡閑金籠長念心經禮碧空石結普陀  
珠作月白衣大士坐當中

霓裳聲落綵雲間阿監催梳綠鳳鬟傳詔院門  
休上鎖六宮隨駕看鰲山

菌蔭明膏燄不騰銀荷嬌小碧波澄當中結起  
葫蘆架不點人家向背燈

百粵三吳土物奇中官驛騎列星馳金盤玉筋  
嘗應遍只恨無緣見荔枝

花賞春風月賞秋長陪玉輦夜深遊不知長信

宮中樹葉落花開總是愁

小小金魚白玉盆  
瑞香枝短護雲根  
尋常不到金階外  
未識春風雨露恩

新進才人住翠樓  
學翻豔曲壁篴篴  
春風院院經行遍  
行到長門始覺愁

玉兔傍邊桂樹枝  
銀臺香闕影參差  
廣寒莫道人間遠  
曾有明皇一到時

牙簾霜綃夢不成  
含愁含恨倚天明  
強將雙淚看鸚鵡  
爭向君王說一聲

細腰無力怯西風欲換羅衣洗淺紅甲帳夜空  
金剪冷數聲砧杵月明中

寶鏡金箱鎖不開洞房盡日閉蒼苔班姬莫更  
悲團扇曾向春風歌舞來

諸王婚邸簇朱甍淑女分番入禁城三載秦樓  
音信杳妾身猶自未分明

淨業門前柳不春糴藥房外水雲新可憐砧杵  
中宵月曾照昭陽殿裏人

金陵行宮同興公作二首

鳳闕參差禁苑連柳條猶鎖御河煙翠華井去  
行宮閉花落花開二百年

寢廟陰陰人影稀鴛鴦瓦碎掩朱扉年年六月  
開金鎖頭白中官晒御衣

爲徐大京兆題小畫

遠寺寒鐘隔翠微小樓人語鶴歸遲西風一夜  
清霜落紅葉滿山僧未知

村中

村中老人七十餘鶉衣割黍自調驢忽聞鼓吹

呼孫出倚杖簷前看使車

贈烏程陳令二首

蒼水風清撫字勞  
璽書遙錫五雲高  
春來碧浪桃花色  
照見銀章瀉鵲袍

紫詰煌煌天樂聞  
漢家世美屬陳群  
遙知膝下爛斑袖  
猶帶毗山一片雲

過玉履寺故莊

一片雲林帶草堂  
居人遙指石湖莊  
精靈異代歸何處  
滿目西風棗葉黃

題大橫驛

驛門斜枕最高峰，桂嶺松陰翠萬重。  
一道寒灘如雪落，秋風兩岸木芙蓉。

劍浦放舟作

西風瑟瑟鴈聲寒，山氣微茫雨未乾。  
一夜前溪三尺水，片帆飛度萬重灘。

因溪感舊

朱樓空鎖水雲深，門逕依稀不可尋。  
唯有門前雙柳樹，咲郎一去到如今。



舟至芋江詩

夜半潮迴江水平逢人如夢未分明可憐江上  
娥眉月十五年前送客行

題徐惟和小像

風雨鑾江話別離夢中猶見舊瑤枝如今風景  
非還是政是羊曇慟哭時

鴈來紅

西風一夜落關榆少婦樓頭鴈正呼何事遼陽  
書不到年年血泪洒蘼蕪

得馬季聲書云園荔蠹損戲柬二首

十載思君碧荔風殘香盡夜落秋蟲西禪寺外  
濃陰裏少却星星數點紅

香肌蚤已怯西風朱實那堪飼蠹蟲但使主人  
能醉客不妨樹底覓殘紅

日新上人惠太姥霍童二茗賦謝四首

三十二峰高插天石壇丹竈霍林煙春深夜半  
茗新發僧在懸崖雷雨邊

錫杖斜挑雲半肩開籠五色起秋煙芝山寺裏

多塵土須取龍腰第一泉

白絹斜封各品題嫩知太姥大支提沙彌剝啄  
客驚起兩陣香風撲馬蹄

瓦鼎生濤火候諳旗槍傾出綠仍甘蒙山路斷  
松蘿遠風味如今屬建南

爲玉峰山人題水墨荔枝圖

松煙幻出荔雲香飛動猶含曉露涼知爾空門  
無色相豈隨手樹闌紅粧

墨池深處鎖鉛華幻出疎枝帶子斜萬樹殘紅

搖落後滿林香在老僧家

題牧童吹簫圖

細草初生澗水新郊原何處不青春橫吹短簫  
斜陽外咲殺當年扣角人

題畫

白雲飛起欲沈山茅屋松窓杳靄間一路丹楓  
秋色暝人從半嶺踏歌還

淵明五柳圖

徑荒松菊室無煙蒲昌山川又一天唯有門前

五株柳栽時猶是義熙年

題趙承旨畫馬

玉蹄蹀躞五花驂碧眼胡兒洗綠潭  
苜蓿蒲稍終日飽春風不復憶江南

七夕積芳亭瞰七夕紅荔支

盈盈一水夜何其佳果初紅映酒卮  
醉把殘香望牛女相逢俱是隔年期

焚書坑

驪山渭水起秋波山下坑灰白骨多  
諸子百家

都禁却却留圖籍與蕭何

兵書峽

三分鼎足事何如  
運去星沈恨有餘  
鐵鎖已消銅雀冷  
祗留丞相舊兵書

鼓山採茶曲六首

半山別路出茶園  
雞犬桑麻自一村  
石屋竹樓三百日  
行人錯認武陵源

布穀春山處處聞  
雷聲二月過春分  
閩南氣候由來早  
采盡靈源一片雲

郎采新茶去未迴妻兒相伴戶長開  
深林夜半無驚怕曾請禪師伏虎來

緊炒寬烘次第殊葉粗如桂嫩如珠  
癡兒不識人生事環逸薰牀弄雉雛

雨前初出半巖香十萬人家未敢嘗  
一自尚方停進貢年年先納縣官堂

兩角斜封翠欲浮蘭風吹動綠雲鈎  
乳泉未瀉香先到不數松蘿與虎丘

題朱買臣負薪圖

青山浪跡且樵蘇遇谷靈論後有無五馬歸來  
春已老有人山上采靡蕪

蘇李泣別圖

紫塞胡風落節旌鴈行飛斷碧雲高莫將一掬  
臨岐泪洒向單手賜錦袍

題畫

遠樹含煙翠壁開相携盡日坐莓苔斜陽欲下  
行人絕唯有松風天際來

發秦川



猿啼驛館馬嘶塵客路悠悠柳自春  
唯有摩霄峰頂月鹽田渡口送行人

太姥山中雜詩二首

空山叢薄日無光  
惟石當胸古木僵  
澗道紆迴沿不盡  
東風十里玉蘭香

老樹盤根濕綠苔  
泉聲白日沸風雷  
春風不到層冰洞  
山半梅花二月開

望仙橋

翩翩鶴馭下摩霄  
月旦雲堦隱寂寥  
丹嶂排空

三十六春風吹度皇仙橋

圓潭庵

曲曲溪流隔淺沙松爐煙冷石牀斜竹門閉雨  
山僧病犬吠籬頭木槿花

宿霍童村

白雲黃鶴杳無踪猶有孤村記霍童月到小樓  
人不寐繞牕四十八芙蓉

武夷宮觀宋嘉熙時玉簡

太乙壇空冊半焚琅函猶自護晴雲冥山陵寢

松楸盡留得蒼蒼玉簡文

謁徐仙蛻

絳節清都去不還空留遺蛻在人間雲中鷄犬  
無消息九曲寒流月滿山

予才至折筍不能登詩以嘲之

知與山靈未有因畏途甘自落紅塵丹梯便隔  
仙凡路愁殺當年控鶴人

觀喬卿登折筍

七九年前此地曾馭風鏗展最先登如今世路

雄心減卧石看君到上層

茶洞二首

折筍峰西接水鄉平沙十里綠雲香如今已屬  
平泉業採得旗槍未敢嘗

草屋編茅竹結亭薰牀瓦鼎黑磁瓶山中一夜  
清明雨收却先春一片青

杜轄巖懷程道人

一片玄宮倚石開亂山羅列大溪迴金徽玉軫  
無消息鐵笛數聲黃鶴來

分水關

南北分流各一方，楚江閩海兩茫茫。  
客心好似關頭水，半向他鄉半故鄉。

贈淮陽李太中丞四首

淮海蕭蕭碧際天，運河如帶接幽燕。  
一從制府新開後，氛祲全銷十二年。

宣房築就水流澌，諫草千言答主知。  
借問古人誰得似，鄴侯勲業謫仙詩。

鈴閣春陰早放衙，玉尊新點綠雲芽。  
數行銀燭

紅妝夜爭捧金釵乞五花

蓮花幕下客紛紛  
顧常空冀北群  
唯有閒曹留滯者  
芙蓉冷落卧秋雲

爲周計部題雙鵲圖

十月霜風動紫臺  
寒枝擇盡却飛迴  
不知報喜緣何事  
新向盧龍化印來

庚戌五月四日京邸熱甚偶寄興公

數椽如斗日如焚  
寂寞離心兩不聞  
去歲今朝君記否  
城高巖頂一梯雲

夏日閒坐感懷三首

白髮烏紗老病身  
朝朝暮暮逐紅塵  
何如閉却閒門坐  
布穀聲中一葛巾

雙柑斗酒聽新鶯  
絕勝孤舟海上行  
無數江豚吹浪戲  
一重去後一重生

不見

學飛乳燕未成雙  
零落芙蓉隔遠江  
客夢乍迴人不見  
數聲涼雨打孤窓

曲江

庚戌春

曲江一十九年人半在雲霄半已塵自笑官微  
身尚健鶯花重見曲江春

了語

白日冲天飛龍駕一箭破的探牛炙丈夫拂衣  
焚銀魚全軍夜覆長城下

不了語

金烏玉兔東復西雙輪夾轂隨馬蹄出門牽衣  
顧兒女國是未定紛無倪

饒餉語



黃昏隔牕看古畫老眼瞢騰遠燈下病吃番僧  
噤誦經沙塵霧裏千蹄馬

分明語

清湍粼粼石可數愁人譙畔聽更鼓幾點寒鴉  
雪上行佳人獨立觀如堵

急語

孤城欲陷羽書馳富翁暴魔覓無醫長江怒湍  
放輕舸走謁權門將後期

緩語

十載腐毫成半紙懦將出師行萬里老病權貴  
出國門新婚年少晨將起

滑語

吉莫皮靴蹴冰凌雨中捉鱸榆皮徑玉體凝脂  
拊不留十萬纏頭笑相贈

澁語

封髻十年髮不櫛枯針敗鎖綉生鐵新婦出門  
羞見人訶子棋榔龍骨屑

危語

劣馬夜踏棧道冰  
巨海柁折風掀騰  
病卧空山  
虎入戶身都將  
相謗書興

穩語

廣盤綿裹珠一箇  
大士跏趺蓮花座  
風靜長松  
白鶴栖衣食無營  
盡日卧

熱語

六月驕陽千里赤  
釜湯百沸薪更益  
腸焦肌裂  
舌生煙七竅五候  
手可炙

冷語

絕漠窮冬飛鳥盡  
雪山萬里北風緊  
一朝失勢  
冰山傾  
荒塚累累骨如筍

喜語

雞竿宣詔釋殊死  
八十富翁初得子  
措大拜官  
車填門  
學徒放假看傀儡

愁語

禾黍連夫蝗復雹  
白頭征人聞戍角  
將軍登陴  
望虜塵  
亂朝相臣坐閑閣

大語

三十三天不容足宇宙世界半粒粟一莖毛孔  
納衆生元會運世蚊相逐

小語

毫端俯仰幾萬里雨絲飄作滔天水恒河世界  
蚊睫中窈窈冥冥而已矣

易水懷古

俠骨銷沉霸業殘空餘遺恨髮衝冠如今二輔  
烽煙息楊柳東風水不寒

道中見宋柳者

翠袖籠煙颺綠絲  
曉風殘露立多時  
春光容易休攀盡  
留與行人折一枝

辛亥春重過荏山

孤城堤柳綠依然  
曾伴征人宿曉煙  
柳已十圍人已老  
風光不似七年前

次新嘉驛作

小橋水落栢枝低  
門鎖蒼苔路欲迷  
惟有流鶯似相識  
一聲聲向馬蹄啼

次鄒縣

曉風吹柳綠冥冥覆盡城南十里亭客夢欲成  
鶯喚醒馬頭一片嶧山青

宿鄒縣館

數枝幽竹傍危墻小杏梢頭半未黃枕上雨聲  
聽不盡東風一夜打青楊

度錢唐

十幅蒲帆挂遠空銀濤萬馬捲秋風夜深燈火  
樓臺影半在西陵煙雨中

紫嶺

紫嶺嵯峨霄漢隣，嶺頭無日不行塵。  
可憐一線羊腸路，役殺東西南北人。

送鄭同舍之定海

傳聞海上落伽山，水浸蓮花竹映關。  
長日看潮叅佛座，官微贏得一身閒。

爲喻正之郡侯題烹茶圖二首

山僮晚起挂荷衣，芳草閒門半掩扉。  
滿地松花春雨裏，茶煙一縷鶴驚飛。

石鼎斜支傍藥欄，松窓白日翠濤寒。  
世間俗骨



應難換此是雲腰九轉丹

爲興公題春令圖

寒蓼初紅荷葉穿相呼相伴宿秋煙一從風雨  
分飛後冷落南枝一十年

爲興公題鴛鴦圖

芙蓉零落古塘乾煙雨分飛錦翼殘已有鴛鴦  
毛五色何須更夢蓼花灘

由洪江至方廣舟中雜詩十二首

潮落金山半夜鍾小舟低首木芙蓉寒波不動

天如水月挂東南巖前峰

山下洪江江上村江雲山靄共黃昏早潮歸去  
暮潮到一片寒聲繞寺門

女兒十五綰雙鬟渡口操舟日往還喚起西風  
吹兩槳送郎一夜到瓜山

橘園洲上露如霜江樹江煙望渺茫布穀聲聲  
春雨後荔陰十里鳳皇岡

浦口橋通石徑斜黃雲極目野人家一簾香雪  
山窓晚繞屋寒梅萬樹花

竹裏山峰午放衙主人留客飯胡麻半巖洞口  
西風急吹落寒江幾片霞

曲曲寒溪咽未休小祠鼓竹枕溪流桔槔聲裡  
柴門閉卧踞松根看闔牛

浯水溪邊鈎艇閒江雲片片逐潮還秋風秋雨  
無情甚吹暗千山與萬山

蕭齋閒與白鷗群剪燭論詩到夜分紙帳寒生  
眠不得一簾秋雨半床雲

西風瑟瑟動菰蒲荷葉霜殘綠半無傳是閩王

觀獵地至今秋草血饑飢

寒灘曲曲急湍流丹嶂蒼藤古洞秋  
一自詞人題赤壁却疑風物似黃州

千尺龍湫瀉瀑泉萬竿寒玉鎖溪煙  
鐫題滿月人何在花落山空三百年

題枯木竹石

一枝枯木傍莓苔  
敲竹蕭蕭石畔栽  
莫向東風羨桃李  
春風能得幾時來

題米襄陽研山圖

山骨何年鑿五丁峰頭猶帶墨池銘人間天上  
俱零落爭似踰縻一片青

仙圖

朝發圓丘暮北溟霓裳不染海雲腥臨流一曲  
遊仙引驚起魚龍月下聽

壽圖

蟠桃五色大如瓜百尺珊瑚挂海霞注罷玉經  
騎鹿去天風吹落紫松花

東郊過鄧汝高故園

半畝寒流帶淺沙  
板橋欲斷竹亭斜  
柴門不閉春無主  
雨打西樓棠棣花

將至芙蓉峰汝翔先歸嘲之二首

芙蓉只隔數峰西  
何意臨岐忽解携  
自是山靈嫌俗客  
鷓鴣杜宇一時啼

名山洞壑何時遇  
浮世風光幾日間  
今夜芙蓉峰頂望  
紅塵墜裏一人還

北山雜詩六首

桃枝嶺上雨霏霏  
一線羊腸夾翠微  
十里灘聲

聽不盡峰頭千尺玉龍飛

壽山老僧七十強不看經典不拈香頭顱半剪  
鬚如雪白種蹲鴟割蜜房

畚人百口負山居苦竹編籬草結廬客到科頭  
相問訊呼兒剪蕨婦烹雞

路出洋坑古石臺大觀題墨半蒼苔土人愛客  
烹新茗咲指龍潭萬壑雷

細雨寒煙鎖不開深林豺虎嘯蒿萊荒山日落  
行人恐瑟瑟松風天際來

先朝名刹總荒涼處處屯田是佛堂惟有青山  
長自在看他滄海幾成桑

寄長安友

荔子蠟山石鼓茶歸來無夢到京華小池橋畔  
東風裏開遍辛夷兩度花

送別

桃花叱撥曉嘶風芳草連天鴈影空莫向陽關  
雙下泪浮生多在別離中

代作



仙詩集卷之六  
銀掛流黃結綵霞芙蓉褥煖寶釵斜輕綃透得  
南樓月照見珊瑚枕上花

壽意

飛瀑聲中雪萬重露華寒濕翠芙蓉丹成駕鶴  
無它事咲上懸崖百尺松

發四溪山行二首

百折羊腸出翠微林煙嵐氣濕人衣中流却羨  
風帆穩萬道寒灘一瞬飛

短鋪長亭路渺茫寒蟬千樹咽斜陽霜前柏葉

紅如火不與離人照斷腸

宿裴村公館望武夷作

新開驛路出裴村雲鎖寒溪竹映門  
卧數芙蓉三十六亂猿啼樹月黃昏

重過分水關

一水中分兩不回關頭原是望鄉臺  
不知客泪能多少二十年中五度來

望玉女峰

相伴仙壇約未成一年一度夢雲英  
空中鸞鶴

應相咲辛苦南行又北行

憶小桃源

洞裏桃源夢裏春十年雙鬢尚風塵白雲深鎖  
寒溪水流出桃花不見人

望夫石

灘聲嗚咽送青春寶馬香車萬里塵莫向望夫  
山上望天涯多少未歸人

車盤驛懷許啓衷先輩

有引

先輩許黃門天錫過車盤驛題詩有青山對

面疑無路黃犢出林知有村之句爲時膾炙  
鄭吏部善夫有詩云風流不見許黃門遺字  
丹青閣上存却留詩句車盤驛黃犢青山何  
處村余屢過其地尋覓遺墨了不可得感而  
作此

古驛堂開鳥道邊題名久已蝕蒼煙孤村黃犢  
知何處惟有青山似往年

入鉛山界二首

蒼崖百疊東清溪柏葉藤花夾稻畦滿地西風

啼鵲鵲不知身在楚江西

溪北溪南幾百家家家造紙當桑麻燒松蒸竹  
秋煙裏落盡一籬紅槿花

宿弋陽

群峰迴合俯清溪寂莫荒城古渡西惟有女墻  
秋月在今猶照夜烏啼

小草齋集卷之二十八終